



Broj: 16-12-16-8233- 6 /24  
I. Sarajevo, 06.12. 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-8233/24 od 04.12.2024. godine, u postupku javne nabavke dva specijalizovana službena vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke dva specijalizovana službena vozila za potrebe Državne agencije za istrage i zaštitu

#### Član 1.

U postupku javne nabavke dva specijalizovana službena vozila za potrebe Državne agencije za istrage i zaštitu (daljem tekstu: Agencija), putem otvorenog postupka, na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-8233/24 od 04.12.2024. godine, ugovor se dodjeljuje ponuđaču „PORSCHE INTER AUTO BH“ d.o.o. Sarajevo, ponuda broj 16-12-16-8233-4/24 od 29.11.2024. godine, za ponuđenu cijenu u iznosu 82.069,06 KM bez uračunatog PDV-a sa uračunatim popustom od 4%.

#### Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 3.

Za izvršenje ove odluke zadužuje se Sektor za materijalno-finansijske poslove Agencije.

#### Član 4.

Ova odluka stupa na snagu danom donošenja.

### **O b r a z l o ž e n j e**

Odlukom broj 16-12-16-8233-1/24 od 12.11.2024. godine, pokrenut je postupak javne dva specijalizovana službena vozila za potrebe Agencije, procijenjene vrijednosti 85.470,00 KM bez uračunatog PDV-a, za koje je obavještenje o javnoj nabavci 1161-1-1-306-3-84/24 objavljeno na Portalu javnih nabavki dana 12.11.2024. godine i u „Službenom glasniku BiH“, broj 80/24 od 22.11.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godinu („Službeni glasnik BiH“, broj 50/24). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23).

Obzirom da je tačkom 24. Tenderske dokumentacije navedeno da je rok za dostavljanje ponuda 02.12.2024. godine do 12:00 sati, te da se ponude dostavljaju u zatvorenoj koverti, Komisija je dana 02.12.2024. godine u 13:00 sati izvršila javno otvaranje ponuda, te konstatovala da je blagovremeno dostavljena jedna ponuda i to:

R/B	Naziv/ime ponuđača	Ponuđena cijena u KM bez uračunatog PDV-a
1.	„PORSCHE INTER AUTO BH“ d.o.o. Sarajevo	82.069,06 KM sa uračunatim popustom od 4 %

Komisija je nakon otvaranja ponude u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da je ponuda ponuđača „PORSCHE INTER AUTO BH“ d.o.o. Sarajevo prihvatljiva odnosno ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

Obzirom da je Tenderskom dokumentacijom za postupak javne nabavke dva specijalizovana službena vozila za potrebe Agencije, predviđeno provođenje e-aukcije u skladu sa Pravilnikom, da je dostavljena jedna prihvatljiva ponuda, Komisija nije zakazivala e-aukciju već je navedeni postupak okončan u skladu sa članom 64. stav (1) tačka b) Zakona, primjenjujući kriterij najniže cijene iz tačke 21. Tenderske dokumentacije, te sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena u KM bez uračunatog PDV-a
1.	„PORSCHE INTER AUTO BH“ d.o.o. Sarajevo	82.069,06 KM sa uračunatim popustom od 4 %

Nakon provedenog postupka ocjenjivanja, Komisija je utvrdila da je ponuda ponuđača „PORSCHE INTER AUTO BH“ d.o.o. Sarajevo, ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke dva specijalizovana službena vozila za potrebe Agencije dodijeli ponuđaču „PORSCHE INTER AUTO BH“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

